


直隸叙永廳志

地280.93

135

-1~6




直隸叙永廳志


地280.93

135

-1~6



書
號
第 6 册
登錄号 85456



序

郡邑之有志乘所以供輜軒之採備崇故
之稽也不詳為綜覈之何由知土物風俗山
川形勢與夫歷代建置沿革異同使觀風
者得資攷証哉此郡邑所宜有專志也凡
疆域之古今而今分者則分之古分而今
合者則合之迺有地則分置而志不能不

序

一

合者邊陲荒徼之區卒無成書其流傳
事蹟又以疆土之升改靡定隸屬不常
率多糾牽若必區分之以為專志未免
失之鑿而特多附會矣余自庚午歲承
乏茲土叩求廳志與所屬永寧縣志觀
之有分為兩書者康熙時同知歷子宗君
敏學永寧衛守備劉君國相所編皆已

散佚過半其合志則創始於國知府
杜君樞而劉君組曾復修之雖體裁
備而所紀事實宋元以上無聞焉蓋歷
興縣在昔均為土司分守元設永寧路
明初改衛隸滇旌隸黔而今日之治也
歷為宣撫司地明洪武後祿氏奢氏連
為土官崇正二年戡定奢酋父子亂編

序

二

其地為九里隸四川始為善後廳尋撥叙
州府同知為軍糧廳建署衛城時稱
川貴同城

國

朝康熙二十六年改永寧衛為縣雍正
八年改軍糧為直隸廳撥永寧縣歸
廳管轄是廳蒞宣撫舊圍不迨貢賦所
入登諸官牘其為典籍闕如也而亦為衛

改建置校概僅附見於黔之畢節縣
菁志之略而不詳是前出類仍兵燹早
無以存什一於千百抑又何自繁澂博
引以成一廳一邑之志哉顧此地雖係
在山陬徑我

朝
重熙累洽承平百數十年人文漸起
風氣寢之乎日盛使以文獻無徵因陋

序

三

孰簡不克彙成全乘未始非守土之遺
憾也余既讀宋杜諸君書得為先導用
慨然以補輯為己任適奉大府檄有奏
脩通志之舉令各屬纂送彙編爰捐
貲設局與前權知永寧縣事胡君光
瓚知永寧縣事雷君蘭馨歷孫廣文
阮君允祐喻君希聖鄒君維藩馮

君汝及紳士之有寸望如孝廉諸君彥
昭鄭君懿卿共相討論其地之分隸亦
水者有縣丞王君仲堽王之隸古蘭
者有巡檢吳君鳳王之使名就迤邐來
屬椽曹諸君體元縣尉王君沂以時
至鄉與紳耆諮訪舊聞凡殘碑斷簡
及所得一人一事一名一物可互為參証

序

四

者靡不備錄聽事之暇分門依類手自
編摩詳加校閱仍倣杜氏之例合訂之
為四十八卷積五月而畫成夫志之脩也
所以信今而傳後之以徵顯而闡幽如
名宦鄉賢忠義節孝為激揚風教之
大端更宜加意旁搜垂芳奕世茲編所
紀名宦鄉賢功績亦見於通志即載於

舊乘至忠義一門歷遭奢崇明張獻忠
吳三桂切國柱等之害皆有傳述可稽
節孝貞烈之有旌揚足據惜其未與祀
典者居多又孝弟一門名雖不登竹帛
事足以植綱常倘不急為表著將寢
久而湮沒無聞其不足以樹正魄貞視
於地下者即無以示激勸於斯民余為

序

五

請之大府脩祠設祀豎木主以標其姓
氏今並壽諸梨棗庶觀覽者藉以景
仰其芳躅於勿替然則是書也雖未
能參之歷代史策及諸家著述以求
合乎古而於補遺揚善磨鈍厲俗之
意或不無一得焉夫訂訛匡謬粹
然要諸完善正有俟乎後之淹貫

博洽者是為序

嘉慶十七年歲次壬申嘉平下浣
四川叙永直隸同知蕭山周偉業撰



序

六

舊序

永界烏蒙芒部之間爲走牂牁要道雖夷漢雜處而自元以前久置郡縣明有天下委諸土司當時蜀藩不與兵事諸大僚又無威遠略以致奢會跳梁巡撫遇害永乃爲戎馬蹂躪之鄉矣侯良柱帥師剿撫方入版圖繼以楊嗣昌驅賊入蜀毒終黔滇永又爲賊將孫可望所據凋殘之餘加諸屠戮黎民幾何而有孑遺耶我

朝定鼎後

直隸叙永廳志

卷

舊序

聖德遐施

皇威誕布六合之內八荒之外皆撫而有之非僅若蒟醬邛竹之感與夫都盧漫衍之樂也於時鯨部之哀鴻稍集蘭河之餘孽悉除土宇皈章蕩平成慶乃吳藩反側敢背

天朝賊將胡國柱復攻破永肆其荼毒蓋以全蜀觀之其受兵革之最多而且久者莫如永矣今蒙

聖朝百年休養之澤一切悉復其舊顧以屢遭兵燹文獻無徵歷經宋杜諸君搜羅纂輯猶多缺略予於

是參以它書編爲採訪作叙永志二卷書凡七篇
卷帙類例較前爲約而所載自謂稍詳馬夫亦觀
風之一助云爾時

乾隆四十三年戊戌仲夏月吉

奉政大夫四川直隸叙永管糧同知河東劉祖曾

撰

直隸叙永廳志 卷

舊序

舊序

永寧於明代爲宣撫司土官也故無志繼因奢僭之亂加以吳逆之殘官民廬舍倉庫典籍蕩然一空靡有孑遺矣故無可志夫無志則不可以不志而無可志則又安所據以爲志此永志之所以不容不修而實不容易修也修之自前任同知宋公敏學始然亦得於故老之傳聞者過半焉則其所遺蓋又不止過半矣宋公修永志在康熙丙寅歲其時改設未久一切建置沿革人物風土之類里

直隸叙永廳志

卷

舊序

一

之者舊猶有目擊耳熟而能言其事者乃考其所書已寥寥無幾况距今六十餘年則前志所不載者其孰能知之又孰從而求之雖然前事之不忘後事之師也

朝廷設官分職俾守土宇凡民俗之澆淳政治之張弛閭閻之盛衰風化之隆替無不惟守土者是責而前人之所以因地而建績卽後人之所以乘時而奏功則觀其一二梗槩亦可以推類及餘而得其調劑之方推行之次矣乾隆甲子都憲紀公奉

天子命來守是邦慨然欲覽全蜀之輿圖以知山川之險易廣狹欲徧觀各屬之風土以攷吏治之勤怠得失爰命守土者各爲志以進而永屬舊志簡略紀載不詳因徧訪諸耆年紳士廣爲搜輯以補其所遺而增其所未備自丙寅以來六十年中其因時而損益因革者亦比類而加詳焉大抵富庶休隆迥不侔於曩志所云矣良由我

盛朝重熙累洽仁漸義摩選賢位能知人善任而各上憲整躬率屬復有以誘掖而獎勸之故司民牧

直隸叙永廳志

卷

舊序

二

者皆得展布四體盡飲食教誨之責而太和醞釀以至於斯也豈一日之故哉編旣竣因述所由以弁於首時乾隆十一年丙寅歲秋日

奉政大夫直隸叙永管糧同知銀城杜樞撰

舊序

稽明代蜀志修者凡三始於正德戊寅次嘉靖辛丑次萬歷己卯萬歷後無復及此於時永寧猶是宜撫土司也無人物可書無政事可紀其山川貢賦例附布政司非有專治也洎天啟辛酉撫僭叛矣崇正辛未撫僭平矣其原委當年紀載甚詳未幾獻賊亂蜀再罹兵燹所謂文獻幾無存者

皇清康熙戊申歲中丞張公德地創修通志中丞羅公森復增輯之凡永紀之殘胥載焉敏學來守是邦

直隸叙永廳志

卷

舊序

一

意欲修明典籍幾經諮訪無從編輯間有士人生於萬歷天崇之時能言往事者以吳逆陷城遁於遠地敦延往返動經累月今始諮其見聞並窮搜攬補舊增新彙成一帙如形勝山川城池公署學校祠祀貢賦秩官名宦科第人物孝義烈女風俗古蹟陵墓寺觀兵制驛傳籌邊十數項通志所略茲稍詳之如仙釋僭據盜賊木政藝文數項通志所闕茲則增之豈遂謂蒐集無遺乎亦惟諮訪所有者以備珥彤之採云爾時康熙丙寅歲季秋月

穀旦

奉政大夫叙永管糧同知加一級新蔡宋敏學撰

直隸叙永廳志

卷

舊序

二

直隸叙永廳志

凡例

一永寧自元明時或改路改府或設衛設司叙永無其名也有之自崇正八年始

國朝康熙二十六年改永寧衛爲縣雍正六年由黔撥川隸叙州府八年改叙永爲直隸廳縣始隸焉此廳縣所以合志也

一叙永永寧前明無傳志迄

國朝康熙二十五年同知宋敏學纂叙永廳志守備劉直隸叙永廳志

凡例

一

國相纂永寧衛志乾隆十一年同知杜樞增修直隸叙永廳志所載皆從簡略四十二年同知劉組會續修廳志略二卷分地理建置祠祀田賦官司人物選舉爲七篇卷帙更約舊板亦復無存茲編以諸君志爲藍本而體裁似稍詳備焉

一志以傳信茲編所載謹稽

大清會典明紀綱目明史樂譜並廣輿記四川通志學政全書賦役全書叙州府志琪縣志赤水舊志及黔省畢節縣志等書其餘或稽諸案牘或採之方